

定出家般涅槃彼如是若五百若干辟支佛

住仙人窟中本盡爲聲聞是故說極七生有

七生天上人間者從天至人從人至天如人

從園至園從節會至節會彼亦如是從天至

人從人至天是故說七夫人往生者往謂中

陰生謂本有是故說往生信苦邊者問曰苦

邊者當言中當言外若言苦中應無苦邊若

苦外者世間現事云何通如金籌初亦金中

亦金後亦金如是須陀洹初亦苦中亦苦後

亦苦云何有苦邊作此論已有一說者阿羅

漢最後陰是苦邊或有說者滅盡涅槃是苦

邊問曰若阿羅漢最後陰是苦邊者云何有

苦邊答曰如是有苦邊謂更不受苦更不結

著苦更不與苦作緣問曰若滅盡涅槃是苦

邊者譬喻云何通答曰此不必通此亦非契

經非律非阿毗曇不可以世間喻壞賢聖語

世間事異賢聖事異作苦邊者苦謂之五盛

陰彼是邊最邊後邊是故說作苦邊廣說三

結處盡

十九末

鞞婆沙論卷第一

擣

上尺呂反下音島

剝賓

上居例反

搏食

上音

諛

詣

上羊朱反下乃鳥反

觸燒

下又音遼反

割剥

下必反

耆婆

上渠反

拔

上蒲末反下音琴

跋

上音琴反

芩

傳彩

上音付下音采

拘緜

下丑於反

鞅

於兩反

模

莫胡反

杵

鞞婆沙論卷第二

洛二

迦旃延子造 符秦罽賓三藏僧伽跋澄譯

三不善根處第二

洛二

三不善根者貪不善根恚不善根癡不善根
經非律非阿毗曇不可以世間喻壞賢聖語
世間事異賢聖事異作苦邊者苦謂之五盛
陰彼是邊最邊後邊是故說作苦邊廣說三
五種六識身恚不善根者恚有五種六識身

蔣

癡不善根者欲界無明盡有四種見習見盡見道思惟所斷見苦斷癡種少所入問曰何以故答曰謂此有十種五見相應疑愛恚慢相應不共有十於中八種立不善根二種不立欲界身見邊見相應也問曰因者說是根彼欲界身見邊見相應無明一切不善法因

彼何以故不立不善根答曰謂性不善亦一切不善法因彼立不善根此欲界身見邊見相應無明雖一切不善法因非性不善若余者爲云何答曰無記是是故說欲界無明盡四種見盡見道思惟所斷一種少所入見苦斷也六識身相應此十五種三不善根性此是三不善根性已種相身所有自然說性已當說行何以故說不善根不善根義云何尊者婆須蜜說曰生義養義增義不善根義重說曰長義受義滿義不善根義重說曰因不善義是不善根義重說曰轉不善義是不善根義重說曰順不善義是不善根義重說曰

受不善義是不善根義尊者曇摩多羅說曰諸尊處所中種不善法轉順受是故說不善根義問曰若因不善義是不善根義者前生不善五陰後生不善五陰亦是因前生十惡行後生十惡行亦是因前生四十四不善使後生四十四不善使亦是因意故時故無量不善何以故說三不善根答曰佛世尊法真諦餘真不能過上者彼盡知法相定知定行有不善根相者立不善根無不善根相不立不善根尊者瞿沙說曰世尊覺此隨彼力重重彼隨彼近此三不善根一切不善法因非餘不善法或曰謂一切不善法首在前主將法故此力故一切不善法轉或曰謂一切不善法因根道本所作緣等有習等起於中因種子法故根堅法故或曰謂一切不善法來持等持生養增是故說不善根或曰謂功德怨家問曰此中何功德答曰三善根是問曰此何近不親怨家答曰三不善根是或曰

如守門人不令入門住守門法故或曰謂三
善根相違於中貪不貪相違恚不恚相違癡
不癡相違或曰謂說行本如所說出中阿含迦藍
此三行本習迦藍貪行本習迦藍恚癡行本
習或曰謂各各相生各各相轉如所說從愛
生愛從愛生恚從恚生恚從恚生愛於中無

明或曰說相違相違不相違相違故衆生多
起鬱諍縛謂天阿須倫往共聞婆羅他也摩
呵婆羅他弟羅摩覩羅叉那也弟爲私陀故也
罽那也阿訥那也爲彼一女故殺十八妓人
何以故答曰不相違相違故不相違者愛相
違者恚問曰何以故不說癡答曰於中已說
若彼智者天境界故不作此惡何況人間惡
欲故人爲國故爲宮故余所惡何況園田作
業縛是故說謂不相違相違以此故余或曰
謂三痛所使如所說樂痛中貪使所使苦痛
中恚使所使不苦不樂痛中癡使所使問曰

如此中一切所使答曰多故樂痛中多貪所
使苦痛中多恚所使不苦不樂痛中多癡所
使貪因樂痛中起已即彼樂痛中受根已增
不善五陰增不善五陰已多起惡行多起惡
行已生死中多受苦恚因苦痛起彼於苦痛
中受根已增不善五陰增不善五陰已多起

洛二

三

惡行多起惡行已於生死中多受苦癡因不
苦不樂痛起彼於不苦不樂受根已增不善
五陰增不善五陰已多起惡行多起惡行已
於生死中多受苦是故說謂此三痛所使以
此故余或曰謂五種六識身使性能起身行
口行斷善根時多方便五種者見苦斷至思
惟斷六識身者眼識相應乃至意識相應使
性者貪者欲使恚者不可使癡者無明使能
起身行口行者爲貪故作身行口行為恚癡
故作身行口行斷善根時多方便者如施設
中所說若斷善根彼云何斷以何行答曰有
一人性欲重恚重癡重彼欲重恚重癡重故

難語難教難解難脫是故說謂五種六識身使性能起身行口行斷善根時多方便彼立行不善根問曰如邪見能斷善根彼何以故不立不善根中答曰方便堪住增上力一切善惡多用方便力非堪任作有說者如菩薩見世間生老病死苦盲無將導始發無上正

真道意於中初意最勝不退轉不移動於此上三阿僧祇作行不後得盡智無生智當來修三界善根或曰彼邪見若斷善根彼一切是不善根力若彼不善根令善根薄穿減劣然後彼邪見斷善根或曰謂彼斷善根時轉不轉貪者轉恚者不轉癡者轉不轉彼邪見能不轉非轉以是故余或曰此前已說謂五種彼邪見非五種是四種非六識身是意識雖有使性不能起身行口行何以故答曰無有見斷結能起身行口行斷善根時不多方便彼邪見最後時用謂彼邪見離此聚以是故不立不善根中謂此五陰離不善根中彼

亦離此聚色陰非五種非六識身非使性不能起身行口行斷善根時多方便痛陰現陰識陰彼相應行陰謂彼離結是五種六識身非使性不能起身行口行斷善根時多方便不相應行陰五種非六識身非使性不能起身行口行斷善根時多方便結中五

洛二

四

見及疑非五種非六識身雖有使性不能起身行口行斷善根時多方便慢五種非六識身雖使性不能起身行口行斷善根時多方便餘說十纏瞋纏不語纏睡纏眼纏調纏悔纏無慚纏無愧纏慳纏嫉纏於中瞋不語非五種非六識身非使性不能起身行口行斷善根時多方便眼五種非六識身非使性不能起身行口行斷善根時多方便睡調此二五種六識身非使性不能起身行口行斷善根時多方便無慚無愧此二五種六識身非使性能起身行口行斷善根時多方便慳嫉此二非五種非六識身非使性

不能起身行口行斷善根時不多方便憤依
詭諂高害此一切說是結垢依結非根本結
謂五種六識身使性能起身行口行斷善根
時多方便彼立不善根若離此聚中彼不立
不善根或曰謂此三不善根能起十惡行起
十惡行已生十惡道問曰云何此三不善根
能起十惡行起十惡行已生十惡道答曰佛
說契經殺有三種貪故恚故癡故至邪見三
種貪故恚故癡故阿毗曇亦說謂此三不善
根一切不善法因根導本作緣有習起如是
三不善根能起十惡行問曰云何起十惡行
已生十惡道答曰佛說契經習殺生修多修
生地獄畜生餓鬼中若來生人中短壽阿毗
曇亦說習增上殺修多修生大阿鼻泥犁中
於中減於中軟生熱地獄大熱地獄叫喚大
叫喚相黑繩等活地獄生畜生餓鬼中如是
起十惡行已生十惡道中是故說三不善根
或曰謂彼亦說增亦說薄如所說云何增欲

洛二

五

增恚增癡答曰因軟欲故便有中因中便有
增因軟恚故便有中因中便有增因軟癡故
便有中因中便有增如是增欲增恚增癡問
曰云何欲軟恚軟癡軟答曰增上欲薄便有
中中薄便有軟增上恚薄便有中中薄便有
軟增上癡薄便有中中薄便有軟如是欲薄
恚薄癡薄是故說謂彼亦說增亦說薄以故
余或曰謂彼退時多因多緣如所說若比丘
比丘尼自觀增欲恚癡比丘比丘尼當知我
於善法中退世尊說此是退是故說謂彼退
時多因多緣以故余或曰謂說結障礙如所
說云何結障礙答曰若衆生性欲重恚重癡
重彼性欲恚癡重故難教難語難解難脫是
故說結障礙以故余或曰此現門略度若有
余所不善根或欲分恚分癡分如彼契經說
婆羅門若有二十一結染著竟彼必生惡道
趣泥犁中說者尊者曇摩多羅說此契經中
一切結立三分余所欲恚癡分若說欲當知

已說欲分若說恚癡當知已說恚癡分如欲恚癡分如是親分不親分親不親分益分不益分益不益分樂分不樂分樂不樂分盡當如是故說現門略度或曰謂說內垢如所說欲是內垢恚癡是內垢如內垢者如是內不親怨敵盡當知或曰謂說塵如所說欲是塵

恚癡是塵如塵如是垢穢障大刺毒刀盡當知以是故立三不善根問曰此經云何行答曰若意中行欲此中無恚若恚無欲此二要有癡問曰何以故若意中行欲此中無恚若恚無欲答曰性相違故貪性喜恚性憂貪身長養受恚身不長養受貪身軟安隱緣中不

洛二

六

礙軟安隱者若貪現在前一切身軟緣中不礙者若意中染著受長夜觀不厭恚身不軟不安隱緣中礙不軟不安隱者若恚現在前眼一切身不軟緣中礙者若意中恚現在前眼不喜有所視是謂性相違故若意中行欲此中無恚若恚無欲此二要有癡此三不善根

洛三

說五種六識身問曰何以故三不善根說五種六識身答曰若此有見斷非思惟者彼思惟斷不善心應非根若思惟非見斷者彼見斷不善心應非根若有五識身非意識者謂彼意識不善心應非根若有意識非五識者謂彼五識不善心應非根一切不善心中此

三不善根是根或二或一貪相應不善意有二根貪及彼相應無明恚相應不善意有二根恚及彼相應無明離此已諸不善意彼盡是一根無明是此說多有根身見法根世尊法根欲法根不放逸法根性根說一切法問曰何以故說身見法根答曰計我故計我已生六十二見以故余問曰何以故說世尊法根答曰說故誰說染著清淨縛解輪轉出要佛也以故余問曰何以故說欲法根答曰欲得善法欲得者彼得善法不欲得者彼不得善法以故余問曰何以故說不放逸法根答曰堅持善法故不放逸者彼能堅持善法放

逸者彼堅持善法已便失況能更堅持問曰何以故說性根一切法答曰不捨自己種故問曰如汝說無爲中亦應有根彼亦不捨已種答曰若無爲中有根者無在彼亦不捨已種以故無在更有欲治此各故說性根者與因故問曰云何與因答曰前生後生因問曰如汝說苦法忍應無根何以故彼他不與自然因答曰彼苦法忍雖他不與自然而因而彼與他彼涅槃他不與因亦不與他因彼云何性根與因故此不論如是說性根者不捨已種故以是故說性根一切諸法廣說三不善處盡鞞婆沙三有漏處第三

三有漏者欲有漏有漏癡有漏問曰漏有何性答曰欲有漏性四十一種愛五恚五慢五疑四見二十纏此四十一種欲有漏性問曰身惡行口惡行煩惱性耶非煩惱性耶若煩惱性者此欲有漏中何故不說若非煩惱性者施設所說云何通彼中說身惡行口

惡行非結非縛非使是煩惱非纏當棄捨滅因生苦故作此論已說曰如煩惱性問曰若余者此欲有漏中何故不說答曰應說此身惡行口惡行立欲有漏中應作四十三種欲有漏性若不說者是略言更有說者如非煩惱性問曰以是故欲有漏中不說彼施設云何通答曰此施設所說應余身惡行口惡行非結非縛非使非煩惱非纏當棄捨滅因生苦故應余問曰若不余者何意答曰彼雖非煩惱性爲煩惱所煩惱是故說煩惱問曰彼非結性爲結所繫何故不說結非縛性爲縛所縛何故不說縛非使性爲使所使何故不說使非纏性爲纏所纏何故不說纏答曰應說若未說者是略言或曰現二門二略二度二炬二明二光二數如彼非煩惱性爲煩惱所煩惱是故說煩惱如是彼非結性爲結所繫亦應說結非縛性爲縛所縛亦應說縛非使性爲使所使亦應說使非纏性爲纏所纏

亦應說纏若彼非結性爲結所繫而不說結
非縛性爲縛所縛而不說縛非使性爲使所
使而不說使非纏性爲纏所纏而不說纏如
是彼非煩惱性爲煩惱所煩惱亦不應說煩
惱是故說現二門至二數有漏性五十二
種應加睡謂五十四也 愛十色界五無色界五慢十色

界五無色界五疑八色界四無色界四見二
十四色界十二無色界十二此五十二種有
漏性無明有漏性十五種欲界五色界五
無色界五此十五種無明有漏性此百八種
三有漏性彼亦名百八種煩惱是謂三有漏
性已種相身所有自然說性已當說行何以
故說有漏有漏有何義答曰留住義是有漏
義漬義是有漏義漏義是有漏義增上主義
是有漏義持義是有漏義醉義是有漏義留
住義是有漏義者衆生以何留住欲界衆生
以何留住色無色界有漏也漬義是有漏義
者如漬種子而生萌芽如是衆生爲結所漬

生有萌芽漏義是有漏義者如漏剋水漏如
乳房出乳如是衆生六入門中常結漏增上
主義是有漏義者如人爲人增上主不得令
衆生東西南北自在如是衆生結爲增上主
不得越界趣輪轉生死持義是有漏義者如
人爲非人所持不應說而說不應語而語不
應取而取不應盜而盜如是衆生爲結所持
不應說而說至不應盜而盜醉義是有漏義
者如人飲根酒莖酒葉酒花酒果酒醉失慙
愧不知事非事如是此衆生結酒所醉失慙
愧不知事不事是故說留住義漬義漏義增
上主義持義醉義是有漏義問曰若留住義

洛二

九

是有漏義者行亦留住衆生在生死中如所
說二因二緣生死行及結行結是生死種子
不斷不破不除不沒復次若七歲八歲得阿
羅漢果於彼上至百歲住生死中受無量苦
頭痛身熱乃至四百四病彼一切結盡但因
行故住生死中如因行故衆生住生死中者

何以故立結有漏中而不立行答曰此結是行本不可以不斷結而斷行或曰彼因結故而起行無結受報如人以泥團搏壁乾亦不墮因本故如是彼因結故而起行無結受報或曰結盡般涅槃非行盡阿羅漢行住如須弥而阿羅漢盡滅陰入無餘涅槃界或曰彼行不定或住生死或斷生死此結一向定住生死中以是故立結有漏中非行彼婆須蜜施設所說云何欲有漏答曰除欲界無明諸餘欲界結縛使煩惱纏也云何有漏答曰除色無色界無明諸餘色無色界結縛使煩惱纏也云何無明漏答曰三界無智也所說好三界無智若說三界不智而不取三界無智若說三界無智此說好問曰何以故欲界結除無明立欲有漏色無色界結除無明立有漏何以故一切三界無明別立無明有漏答曰若留住欲界彼一切依欲故欲得欲故求欲故樂欲故愛欲故以是故欲界結

除無明立欲有漏若留住色無色界彼一切
依有故欲得有故求有故樂有故欲受有故
以是故色無色界結除無明立有有漏謂彼
住欲界住色無色界者彼一切由無明故以
是故一切三界無明別立無明有漏或曰欲
界結及欲愛我及二及毒以是故欲界結除
無明立欲有漏色無色界結無欲受我非二
非毒以是故色無色界結除無明立有有漏
謂彼欲界愛我色無色界愛我彼一切由無
明故以是故一切三界無明別立無明有漏
謂彼欲界愛我色無色界愛我彼一切由無
明故以是故一切三界無明別立無明有漏
作譬喻者說二根本結無明及有愛何以故
答曰謂彼二根本結無明者本緣起根有愛
者當來有問曰若尔者彼三有漏云何答曰
彼說者愛或不善或無記或有報或無報或
受二果或受一果或無慙無愧相應或無慙
無愧不相應彼若有不善有報受二果無慚
無愧相應者彼是欲界愛因彼故諸餘欲界
結除無明得欲有漏名謂無記無報一果無

慙無愧不相應此謂說色無色界愛因彼故
色無色界結除無明有漏得名問曰於此
論中更有論生何以故欲界愛故欲界結除
無明欲有漏得名何以故色無色界愛故色
無色界結除無明有漏得名答曰謂愛故
界斷地斷種斷謂愛故愛一切盛結以是故

欲界愛故欲界結除無明欲有漏得名以是
故色無色界愛故色無色界結除無明有漏
得名問曰何以故一切三界無明別立無
明漏答曰謂無明前無智後無智中無智內
無智外無智內外無智行無智報無智行報
無智覺無智法無智僧無智苦無智習盡道

洛三

十一

無智於六更樂入如真無智無見寢冥故以
故余或曰謂種重行重種重者一切結重與
一無明等行重者一切結共作行復別立不
共無明使以故余或曰謂彼說懶怠如所說
此比丘懶怠者謂無明是有說水中有虫名
懶怠自盲蟄他亦盲如是此無明已自盲諸

有行者亦盲以故余或曰謂九種一義種緣
中癡九種者增上至軟軟一種緣中癡者彼
有想無想軟軟一種也問曰此事能一切非
己界遍使邪見有九種一種緣中謗言無見
盜九種一種緣中受第一戒盜九種一種緣
中受淨疑九種一種緣中猶豫如此事能一
切非己界遍使彼何不共事獨說無明答曰
不也問曰若余者此云何答曰此欲界癡起
九種一種亦起九種如一種起九種如是至
第九種亦起九種如欲界起九九種如是至
有想無想處起九九種一切非己界遍使無
此事謂彼余所種余所度今衆生生死癡以

故余或曰謂彼住一時中五種因五種緣五
種使所使以故余或曰謂前普遍問曰前者
云何答曰於四聖諦不欲故無明纏故苦是
苦不欲不忍習是習盡是盡道是道不欲不
忍如飢餓人初得惡食飽滿後得極妙食而
不欲如是彼癡如惡食無明纏故後甘露四

諦而不欲不欲故苦是苦不欲不忍習是習盡是盡道是道不欲不忍不欲故生猶豫有苦耶無苦耶有習盡道耶無習盡道耶是疑如是無明中轉生疑一切猶豫令定故若得正說便從正定有苦習盡道此是正見若得邪說便從邪定無苦習盡道此是邪見如是彼疑中轉生邪見若無苦習盡道而有我此是身見如是彼邪見中轉生身見若有我者便作是念是常耶是斷耶若見次第相似便作是念有常也此是計常見若見壞事便作是念斷也此是斷見如是彼身見中轉生俱邊見於中取一邊淨以此爲淨爲解脫出要

(一)

(二)

此是戒盜如是彼邊見中轉生戒盜若此爲淨解脫出要是第一上最上妙最妙此是見盜如是彼戒盜中轉生見盜若彼已見便愛此是愛使他見便恚此是不可使彼見故貢高此是慢使如是彼見中轉生使使中轉生纏纏者十纏暝纏不語纏睡纏眠纏調纏悔

洛二

十三

纏無慚纏無愧纏慳纏嫉纏於中瞋纏嫉纏依不可使不語纏亦依愛亦依無明依愛者愛故覆藏依無明者無智故覆藏睡調慳者依愛眠無慚無愧悔依無明更有說結垢依結非根本結憤依詭詭高害於中憤害依不可使依詭詭高依見盜詭依五見如是無明中轉生一切結是故說前普者從阿鼻至第一有可得是故說普遍者非如前說住一時中五種因五種緣五種所使問曰若不尔者此云何答曰自界一切遍使中亦共一切遍使非已界一切遍使中亦共一切遍使已地一切遍使中亦共一切遍使非已地一切遍使中亦共一切遍使己界緣使中共緣使非己界緣使中共緣使己地緣使中共緣使非己地緣使中共緣使有漏緣使中共有漏緣使無漏緣使中共無漏緣使有爲緣使中共有爲緣使無爲緣使中共無爲緣使中共一切結去灑散入內雜謂彼尔所門尔所度令衆生

生死中癡以是故一切三界無明別立無明
有漏如佛契經說彼不正思惟未生欲有漏
便生生已增廣問曰如此結如所起隨所滅
住不過一時何以故說未生欲有漏便生生
已增廣答曰此說軟中上故彼結軟生若不
正思惟不依正事便生中中增上以故余尊

者婆須密說曰如佛說若不正思惟未生欲有
漏便生生已增廣云何增廣答曰不應增廣
但生復生故增廣也彼結一過生若不正思
惟不依正事便生至百千是故說增廣重說
曰軟中上故說增廣彼結軟生若不正思惟
不依正事便有中中增上是故說增廣重說
曰不增廣但生復生重生故說增廣彼結軟
生若不正思惟不依正事便有中中有增上
增上極增上是故說增廣重說曰不增廣但
度境界故說增廣因一界生彼結生住已緣
餘界捨彼已復緣餘界依眼生彼結若不正
思惟不依正事彼復依耳鼻舌身意生緣色

生若不正思惟不依正事彼復緣聲香味細
滑法生是故說增廣尊者曇摩多羅說曰諸
尊不應增廣但人於一有中多行纏故說增
廣問曰彼何所說答曰彼尊者謂一切衆生
結等生惡趣等至生第一有亦等於中或多
行結或不余是故說諸尊人於一有中多行

纏故說增廣或曰受依果報果故說增廣謂
結未起時亦不受依果報果起已便受依果
報果是故受依果報果故說增廣或曰與果
受果故說增廣若結未起時亦不與果亦不
受果生已便與果受果是故與果受果故說
增廣或曰與緣故說增廣彼結未起時不與

次第緣若起已便與次第緣是與緣故說增
廣如佛契經說七有漏能多起憂悲惱問曰
如三有漏何以故說七有漏答曰此中說有
漏具名有漏如餘具餘為名阿毗曇具以阿
毗曇為名樂具樂為名如所說偈

樂為搏食 樂為持衣 樂為行步 依山窟間

洛二

正 第 八 八 冊

垢具垢爲名如所說偈

女垢梵行 女縛世間 苦行梵行 此洗無水
使其使爲名如所說比丘色所使色所愛比
丘所使者即彼愛彼愛已爲魔所縛欲具欲
爲名如所說五欲功德世間愛樂念退具退
爲名如所說五因五緣等意解脫阿羅漢若

退若忘云何爲五一者多誦二者業三者和
合諍四者遠行五者長病行具行爲名如所
說此六更樂入大所作本所思本行所報報
具報爲名如所說諸賢我已一施報故七生
天上爲天王七生人爲人王如是有漏具有
漏爲名尊者婆奢說曰彼所說法竟更有受
化者來彼能知此義異句異味以是故世尊
此義說異句異味也尊者瞿沙說曰佛說此
契經中二漏一者見斷二者思惟斷見斷者
如己像思惟斷者治故彼思惟斷者二種一
者須臾治二者根本斷於五品中現須臾治
最後品現根本斷如佛契經說彼如是知如

是見欲有漏心解脫有漏無明漏心解脫
問曰如彼欲界除欲時欲有漏心解脫有想
無想處除欲時有漏心解脫何以故有想
無想處中說欲有漏心解脫有漏無明漏
心解脫答曰本已解脫解脫爲名如已來來
爲名如所說大王從何所來當余時非是來

降二

十五

彼已來也已取證證爲名如所說菩薩於正
中取證時得等智如來得盡智無生智時於
欲得無欲無恚無愚癡善根本已盡盡爲名
如所說彼苦已盡樂已盡憂喜本已沒不苦
不樂護念清淨於四禪成就遊也已正受正
受爲名如所說云何念入慈正受答曰欲令
衆生樂已痛痛爲名如所說彼覺樂痛時知
樂痛如是本已解脫解脫爲名或曰二俱求
滅故說二俱者欲有漏無明有漏有漏無
明有漏彼欲界除欲時雖有參差未永盡彼
有想無想處除欲時永盡是二俱永滅故說
或曰縛斷故說本際不可知如彼有漏無

明有漏於彼欲有漏斷已斷還復縛若有想無想處除欲已彼縛至竟斷是縛斷故說或曰緣斷故說本際不可知如彼有有漏無明有漏彼欲有漏斷已斷與三緣次第緣緣緣增上緣若有想無想處除欲已彼緣盡斷是緣斷故說或曰責治故說謂彼修行人有想

意法在前 意妙意疾 意爲念惡 若說若作罪苦自隨 輪道轢殺

意法在前 意妙意疾 意爲念惡 若說若作福樂自隨 影逐其形

或曰謂彼說如王如所說偈
第六增上王 以染而染之 不染則無染

洛二

十六

染者謂之愚

或曰謂說城主如所說比丘城主者識盛陰是或曰謂能起善不善戒如所說他婆提不善戒從何所起者我說有所起從心中起是他婆提善戒從何所起者我說有所起從心中起是或曰謂不等者生惡道等者生天上

不等生惡道者如所說今是時鸚鵡童子是兜陀子若命終如伸臂頃入泥犁中何以故地因彼故立十大地或曰謂彼神通作證時無礙道緣心或曰謂說遠行如所說偈遠行獨去 無身依身 難御能御 是世梵志或曰謂說前去如所說偈

終生天上是故說謂不等生惡道等生天上
以故余或曰謂彼心若依若行若緣隨轉心
數法亦余若心依眼隨轉心數法亦余若心
依耳鼻舌身意隨轉心數法亦余若心青行
隨轉心數法亦余若心赤黃白行隨轉心數
法亦余若心色緣隨轉心數法亦余若心聲
香味細滑法緣隨轉心數法亦余如魚隨所
轉諸子亦余如是心若依若行若緣隨所轉
心數亦余或曰謂未調御不調御身行口行
所謂調御調御身行口行謂不調御心數法
亦余謂調御心數法亦余謂不定不定身行
口行謂定定身行口行謂不正不正身行口

附一
十一

行謂正正身行口行謂不軟不軟身行口行
謂軟軟身行口行謂不持不持身行口行謂
持持身行口行如彼法藻灌不覆口則漏覆
則不漏如是心不持已心數法則漏色聲音
味細滑法中心持已心數法則不漏色聲音
味細滑法中是故說謂不持心數法亦不持

是流性已種相身所有自然說性已當說行
何以故說流流有何義答曰流下義是流義
漂義是流義墮義是流義流下義是流義者
流下諸界諸趣諸生流轉生死中是故說流
下義漂義是流義者漂諸界諸趣諸生漂轉
生死中是故說漂義是流義墮義是流義者

謂持心數法亦持喻如法漂灌廣說三有漏
處盡

鞞婆沙四流處第四

四流者欲流有流無明流見流問曰四流有
何性答曰欲流性二十九種愛五恚五慢五
疑四十纏是二十九種欲流性有流性二十

八種愛十色界五無色界五慢十色界五無
色界五疑八色界四無色界四是二十八
種有流性無明流性十五種欲界無明五色
界五無色界五是十五種無明流性見流性
三十六種欲界見十二色界十二無色界十
二是三十六種見流性此百八種四流性此

墮諸界諸趣諸生墮轉生死中是故說墮義

是流義是故說流下義漂義墮義是流義

問曰若流下諸界諸趣諸生流轉生死中者不應立上分結此亦將至上墮生上上界縛答曰不然問曰若不爾者此云何答曰諸界故立上分結謂彼將至上墮生上生上界縛

解脫故正智故聖道故善法故立流雖生至

第一有中故是下解脫故正智故聖道故善法故尊者婆跋羅答亦余說久時生上流下故是故說流施軛故是故說軛問曰何以故流中別立見流而不立有漏中答曰譬喻者四有漏欲有漏有漏無明有漏見有漏謂

格二

十八

我此欲流彼欲有漏謂我此有流彼有漏謂我此無明流彼無明有漏謂我此見流彼見有漏說曰彼譬喻者於此中不問不答問曰若三有漏者此云何答曰佛世尊法真諦餘真無能過彼知法相盡知行若有漏相立有漏中或曰此見動搖除欲時隨順也住

欲時不隨順住義是有漏義是故餘不動搖結住結爛結雜已立有漏中流下隨順是故流中別立見流或曰此見狂捷利行住時不隨順住義是有漏義是故餘不動搖結住結爛結雜已立有漏中流下隨順是故流中別立見流如二狂牛繫在一軛彼挽軛破已而走如繫一狂一不狂彼不狂者能制狂者如是見狂捷利行住時不隨順住義是有漏義是故餘不動搖結住結爛結雜已立有漏中流下隨順是故流中別立見流如四流四軛亦余問曰何以故一切經說流已後說四軛亦余答曰所謂流則是軛軛則是流流下故說流施軛故說軛如此衆生流所流下軛者施軛彼當云何不受生死苦如彼牛在犁中施軛已以杖捶當云何不挽犁如是衆生流所流下軛者施軛彼當云何不受生死苦以是故一切經說流已後說軛亦余廣說四流

四軛處盡

韓婆沙四受處第五

四受者欲受戒受見受我受問曰四受有何性答曰欲受性三十四種愛五恚五慢五無明五疑四十纏是三十四欲受性戒受性六種欲界二色界二無色界二是六種戒受性見受性三十種欲界十色界十無色界十是

三十種見受性我受性三十八種愛十色界五無色界五慢十色界五無色界五無明十色界五無色界五疑八色界四無色界四此百八種四受性此四受性已種相身所有自然說性已當說行何以故說受受有何義答曰二事故說受能然行捷疾行能燃行者燃五趣中行捷疾行者利故或曰三事故說受燒受斷是故說受問曰云何燒義答曰薪義是受義壞義是受義纏義是受義薪義是受義者如因薪火燃如是衆生因結薪行火燃是故薪義是受義壞義是受義者如利刺極入身中能壞身如此受利刺極入法身中能

壞法身是故壞義是受義纏義是受義者如蚕虫要以繩自纏而於中死如是此衆生要以結自纏而生惡趣中是故纏義是受義薪義壞義纏義是受義問曰何以故無明有漏中別立無明漏流中無明流輒中無明輒然受中不別立無明受答曰佛世尊於法真諦

餘真無能過彼盡知法相盡知行謂法能擔彼別立或曰前已說二事故說受行燃捷疾行彼無明雖燃五趣行但非捷疾行鈍故爛故不利行故不定故不斷故或曰此前已說三事故名爲受能燒受斷彼無明雖有燒受但不斷捷利者能斷彼鈍爛不利行不定不
斷以是故受中不別立無明受問曰何以五見流中合立見流輒中合立見輒何以受中四見立見受一見立戒受答曰佛世尊於法真諦餘真無能過彼盡知法相盡知行謂法能擔別立或曰前已說三事故說受行燃捷疾行彼戒盜等燃五趣行等餘見或曰前已

說三事故名爲受能燒受斷彼戒盜等燒受
斷等餘見或曰違道故遠解脫故違道者欲
種種苦行爲清淨遠解脫者如彼依此見而
遠涅槃或曰二事欺誑故二事者此內法外
法問曰云何此內法欺誑答曰等受持乞食
糞掃衣露坐受持沙門十三淨行如人似淨

行如彼尊者婆耶日日潔俗如似淨行如是
此內法欺誑此外法云何欺誑謂欲種種苦
行爲淨此尊者瞿沙亦余說此世間現事如
見火二事欺誑如小兒以是故受中四見立
見受一見五戒受問曰何以故說我受爲行
耶爲緣耶若行是我受者應身見是我受此
是我行若緣是我受者而無我作此論已說
曰亦非行亦非緣問曰若不余此云何答曰
處所故此欲界結欲處故轉行衆生處故具
處故色無色界結非欲處故轉行非衆生處
故非具處故但我處故以故余如佛契經說
此四受者何本何習何生何緣答曰此四受

無明本無明習無明生無明緣問曰如一切
契經說愛緣受何以故此契經中說無明緣
受答曰爲異學故彼異學亦出家捨家妻子
無家無家無守不畜財寶彼亦無多惡但由
無明故依諸見令彼生惡趣中如彼老象入
污泥中而陷沒如是彼異學由無明故依諸
見令彼生惡趣中以是故佛契經說四受無
明本無明習無明生無明緣廣說四受處盡
鞞婆沙四縛受處第六

四縛者欲愛身縛瞋恚身縛戒盜身縛我見
身縛問曰四縛有何性答曰欲受身縛欲界
愛五種瞋恚身縛恚五種戒盜身縛三界六
種我見身縛見盜三界十二種此二十八是
四縛性此縛性已種相身所有自然說性已
當說行何以故說縛縛有何義答曰束義是
縛義連續義是縛義束義是縛義者如彼施
設所說此無明未盡未知已被彼身被彼依
彼彼得已身亦是因亦是緣束而束遍束連

續相連續如巧鬘師鬘師弟子繩長線已結作種種鬘彼線於彼華亦是因亦是緣結而結遍結連續相連續如是此無明未盡未知已彼彼身彼彼依彼彼得已身亦是因亦是緣束而束遍束連續相連續是故說束義是縛義連續義是縛義相連續是縛義者如彼契經說當尔時香食中陰二心中必有一或愛相應或恚相應是故說連續義是縛義問曰若此衆生生死中束而束遍束是縛義者一切結亦尔衆生生死中束而束遍束何以故立四縛不立餘答曰是世尊餘言略言欲令行言世尊爲教化故或曰爲人故爲眷屬故爲器故爲教化故尊者瞿沙說曰世尊於法真諦餘真無能過彼盡知法相盡知行若有縛相立縛中無縛相不立縛中或曰謂極縛三界衆生欲愛身縛瞋恚身縛極縛欲界衆生戒盜身縛我見身縛極縛三界衆生或曰謂二事極縛白衣及學道者欲愛身縛恚

身縛極縛白衣戒盜身縛我見身縛極縛學道者如白衣及學道如出家及不出家捨家妻子及不捨家妻子有家無家有畜財寶不畜財寶盡當知或曰謂能起二諍一者婬欲故諍二者見欲故諍如彼契經持澡灌杖梵志至尊者迦旃延所而問迦旃延何因何緣王王共諍梵志梵志共諍居士居士共諍縣縣共諍國國共諍答曰此梵志因婬欲著故令此王王共諍梵志梵志共諍居士居士共諍縣縣共諍國國共諍重問曰迦旃延此沙門亦無家無所守不畜財寶迦旃延何因何緣沙門沙門共諍答曰見欲著故此梵志沙門沙門共諍謂彼能起二諍一者婬欲二者見欲以故尔如是二諍如是二邊二箭二轉二戲盡當知以是故立四縛不立餘廣說四縛處盡

憤房反 **粉**音寃 **怨敵**上反 **炬**音寃 **睡調**下反 **漬**智音
反嬾舌反 **哀**音寃 **莖**戶反 **搏壁**上音 **撲**音 **擦**音 **躁**音 **灌**早音
貴漂音反 **苗**音 **捷疾**上音 **葉**才反 **挽晚杖**音 **捗**音 **之鉢**音 **鉢**音
陷沒去聲 **咸**字 **擗疾**上音 **才挽晚杖**音 **捗**音 **之鉢**音 **鉢**音

鞞婆沙論卷第三

洛三

迦旃延子造 符秦罽賓三藏僧伽跋澄譯

五蓋處第七

五蓋者欲愛瞋恚睡眠調悔疑問曰五蓋有何性答曰欲愛瞋恚睡眠調悔疑問曰五蓋有何性答曰欲愛欲界五種六識身瞋恚五種六識身睡調二俱三界五種不善無記一切染污心可得於中不善者立蓋中無記不立蓋中眠欲界五種善不善無記於中不善者立蓋中謂善無記不立蓋中悔欲界思惟斷善不善於中不善者立蓋中善者不立蓋中疑三界四種不善無記於中不善者立蓋中無記者不立蓋中此三十種是五蓋性此是

性問曰彼有何相答曰謂彼性即是相相即是性一切法中不可離性說相尊者婆須蜜說曰於中欲得欲者便起欲愛令衆生相違故起瞋恚心沒故起睡已沒不動便眠不息相者是調心中生恨種種恨所作惡故生悔心中行未成意不定故便生疑已說性相當說行何以故說蓋蓋有何義答曰障義是蓋義壞義是蓋義破義是蓋義墮義是蓋義卧義是蓋義障義是蓋者而作障礙聖道及聖道方便善根如彼契經所說有樹大樹子小而樹大謂覆餘小樹覆餘樹已壞破墮卧此云何一千闍那二伽賓闍羅三伊說多四闍鉢羅五必樓丈六優曇跋羅七尼拘類八那梨伽羅此樹大樹子小而樹大覆餘小樹覆餘樹已壞破墮卧如大樹覆小樹已亦不生華不轉成果如是衆生欲界心樹蓋所覆不生覺意華亦不轉成沙門果是故說障義壞義破義墮義卧義是蓋義問曰若此蓋作障